

才叙用○乙亥

御晝講○

傳曰人君深居九重未知稼穡之

艱難故乃為春秋觀稼察耕耘收穫之苦又饋農民者乃其義
事也前日觀稼時兵曹例禁駕前離人故農民亦畏其禁廢事
避之今後令農民任其所為勿禁事言于兵曹俾民知悉○丁
丑夜西方有氣如火○戊寅 御朝講○夜西方有氣如火○
己卯傳曰世子服色在 祖宗朝未知其為某色也近來則常
服戎服皆用鴉青而金謹思金安老等議之曰東方屬青宜尚
其青改以草綠為戎服而草綠則宰相皆服其色若郊外則眾
瞻所關不可不異其服宜還以鴉青為之且堂上官則戎服必
以紗羅綾段為之此亦安老等所議也前者或者挑紅者一切
以紗羅綾段立法此非我國所有乃唐物也禁貿唐物而責服
紗羅綾段則實有乖於禁貿之本意也隨其所備而服之母係
一偏之法何如問于三公及禮曹○ 領政尹殷輔議世子戎
服不知當用某色但常時冠服既用鴉青則獨於戎服不必別
用他色故前此世子戎服以鴉青為之矣安老之議出于臆意